



Dyddiad creu: 01/05/19
Dyddiad cyhoeddi: 01/08/19
Rhif y fersiwn: 1.0

Maes Gwasanaeth: Iechyd yr Amgylchedd

Maes Gwaith: Rheoleiddio

Manylion cyswllt: 01443 811304

DiogelwchIechydBwyd@caerffili.gov.uk

Enw'r Hysbysiad Preifatrwydd: Ymchwilio i ddamweiniau

Disgrifiad o'r Hysbysiad Preifatrwydd: Bydd yr hysbysiad preifatrwydd hwn yn egluro sut y bydd Grŵp Iechyd yr Amgylchedd Cyngor Bwrdeistref Sirol Caerffili yn defnyddio'r wybodaeth yr ydych wedi'i darparu amdanoch chi'ch hun (data personol) pan fydd Grŵp Iechyd yr Amgylchedd wedi cysylltu â chi er mwyn ymchwilio i ddamwain neu pan fo angen i ni gymryd unrhyw gamau mewn perthynas â gorfodi'r gyfraith.

Sut y byddwn yn defnyddio'ch gwybodaeth

Y ffynhonnell a'r math o wybodaeth a brosesir

Categoriâu o ddata personol a geir

Mae Grŵp Iechyd yr Amgylchedd Cyngor Bwrdeistref Sirol Caerffili yn gyfrifol am ymchwilio i ddamweiniau yn y gweithle y rhoddir gwybod amdanynt i Iechyd yr Amgylchedd drwy system hysbysu Rheoliadau Adrodd ar Anafiadau, Clefydau neu Ddigwyddiadau Peryglus ('RIDDOR') yr Awdurdod Gweithredol Iechyd a Diogelwch.

Os bydd Grŵp Iechyd yr Amgylchedd Cyngor Bwrdeistref Sirol Caerffili yn cael gwybod am ddamwain sy'n eich cynnwys chi, bydd yr adran hon yn egluro'r categorïau o ddata personol y gallem ni eu cofnodi:

- Enw
- Cyfeiriad
- Dyddiad geni
- Manylion cyswllt
- Natur y ddamwain
- Manylion y gweithiwr

Ffynhonnell y data personol

Ffynhonnell yr wybodaeth hon yw trwy system hysbysu Rheoliadau Adrodd ar Anafiadau, Clefydau neu Ddigwyddiadau Peryglus ('RIDDOR') yr Awdurdod Gweithredol Iechyd a Diogelwch.

Y diben a'r sail gyfreithiol ar gyfer defnyddio eich gwybodaeth

Diben y gwaith prosesu

- Diogelu iechyd y cyhoedd.
- Cychwyn ymchwiliadau.
- Ymchwilio i gydymffuriad â deddfwriaeth lechyd yr Amgylchedd.
- Atal digwyddiadau rhag digwydd eto.
- Ar gyfer ffurflenni a dadansoddi ystadegol.
- Ar gyfer gwyliadwriaeth a phennu tueddiadau.
- Cysylltu â chi mewn perthynas ag arolygon Boddhad Busnes.

Sail gyfreithiol ar gyfer y gwaith prosesu

Mae gofyniad tasg gyhoeddus ar awdurdodau cyhoeddus i brosesu eich gwybodaeth fel y manylir isod:

Er mwyn i brosesu data personol fod yn gyfreithlon o dan y Rheoliad Cyffredinol ar Ddiogelu Data 2016, mae'n rhaid nodi amod dilys o erthygl 6 o'r Rheoliad, a amlinellir isod:

1e. mae angen prosesu ar gyfer cyflawni tasg a wnaed er budd y cyhoedd neu wrth arfer awdurdod swyddogol a freiniwyd yn y rheolwr.

Pwy fydd yn gallu cyrchu eich gwybodaeth?

Manylion y Rheolwr Data a'r Swyddog Diogelu Data

Y Rheolwr Data ar gyfer eich gwybodaeth yw Cyngor Bwrdeistref Sirol Caerffili. Y Swyddog Diogelu Data yw:

Ms Joanne Jones
Rheolwr Llywodraethu Gwybodaeth Gorfforaethol / Swyddog Diogelu Data
E-bost: diogeludata@caerffili.gov.uk
Ffôn: 01443 864322

Efallai y bydd Rheolwyr Data eraill hefyd yn gyfrifol am eich gwybodaeth, yn dibynnu ar yr amgylchiadau penodol. Am ragor o wybodaeth, cysylltwch â'r Maes Gwasanaeth.

Manylion am brif ddefnyddwyr eich gwybodaeth

Prif ddefnyddiwr eich gwybodaeth fydd Grŵp Iechyd yr Amgylchedd er mwyn ymchwilio i ddamweiniau yn y gweithle.

Gall Grŵp Iechyd yr Amgylchedd Caerffili ddefnyddio'ch manylion personol i gysylltu â chi at ddibenion arolygon boddhad cwsmeriaid, er mwyn asesu a gwella'r gwasanaeth a ddarparwn.

Bydd gwybodaeth a ddarperir o ganlyniad i'ch rhyngweithio â Grŵp Iechyd yr Amgylchedd yn cael ei defnyddio ar gyfer dadansoddiad ystadegol, o fewn Cyngor Bwrdeistref Sirol Caerffili a gan yr Awdurdod Gweithredol Iechyd a Diogelwch.

Manylion am unrhyw rannu o'ch gwybodaeth â sefydliadau eraill

Efallai y bydd adegau pan fydd data'n cael eu rhannu ag Arolygiaeth Gofal Cymru o dan femorandwm cyd-ddealltwriaeth.

Manylion am unrhyw brosesyddion data allanol

- Mae eich data'n cael eu prosesu gan yr Awdurdod Gweithredol Iechyd a Diogelwch at ddibenion ymchwilio i ddamweiniau, ac ar gyfer gwaith dadansoddi, gwyliadwriaeth a phennu tueddiadau.
- Efallai y bydd eich manylion yn cael eu rhannu â chyrrff gorfodi'r gyfraith at ddibenion atal neu ganfod troseddau neu ddal neu erlyn troseddwyr.
- Efallai y bydd eich manylion yn cael eu rhannu â Gwasanaethau Iechyd yr Amgylchedd mewn Awdurdodau Lleol eraill (gan gynnwys Timau Rhanbarthol neu Genedlaethol) a allai fod mewn sefyllfa well i'ch cynorthwyo neu i gymryd camau ffurfiol mewn perthynas â thorri deddfwriaeth Iechyd yr Amgylchedd.
- Bydd eich manylion yn cael eu rhannu â'r Llysoedd os cychwynnir achos troseddol neu sifil o ganlyniad i gamau ffurfiol.

Manylion am unrhyw brosesyddion data allanol

Caiff data eu prosesu gan yr Awdurdod Gweithredol Iechyd a Diogelwch ar gyfer cadw golwg a dadansoddi ystadegol.

Ceisiadau am wybodaeth

Mae'n bosibl y bydd yr holl wybodaeth a gedwir gan Gyngor Bwrdeistref Sirol Caerffili yn destun ceisiadau o dan Ddeddf Rhyddid Gwybodaeth 2000, Rheoliadau Gwybodaeth Amgylcheddol 2004 a Deddf Diogelu Data 1998.

Os bydd yr wybodaeth a ddarperir gennych yn destun cais o'r fath, bydd Cyngor Bwrdeistref Sirol Caerffili yn ymgynghori â chi ynghylch ei rhyddhau, lle bo hynny'n bosibl. Os byddwch yn gwrthwynebu rhyddhau eich gwybodaeth, byddwn yn cadw'r wybodaeth yn ei hól, os bydd y ddeddfwriaeth berthnasol yn caniatáu i hynny ddigwydd.

Am ba hyd y byddwn yn cadw eich gwybodaeth?

Manylion am y cyfnod cadw

Mae'r cyfnod y mae Cyngor Bwrdeistref Sirol Caerffili yn cadw gwybodaeth yn cael ei bennu drwy ofynion statudol neu arferion gorau.

Mewn perthynas â'ch gwybodaeth, bydd yn cael ei chadw am 6 blynedd yn unol â Pholisi Cadw Dogfennau Diogelwch y Cyhoedd CBS Caerffili.

Eich Hawliau (gan gynnwys y Weithdrefn Gwyno)

Eich hawliau o dan Ddeddf Diogelu Data 1998

Mae'r Ddeddf Diogelu Data yn rhoi nifer o hawliau i destun y data (y rheiny y mae'r wybodaeth yn sôn amdanynt):

- Hawl i gael mynediad at ddata gan y testun – mae ffurflenni cais ar gyfer y broses hon ar gael ar ein gwefan: [Ffurflen Gais am Fynediad at Ddata gan y Testun \(SAR\)](#)
- Yr hawl i gael gwybod
- Yr hawl i gywiro
- Yr hawl i ddileu
- Yr hawl i gyfyngu ar brosesu
- Yr hawl i wrthwynebu

- Yr hawl i gludadwyedd data
- Hawliau mewn perthynas â gwneud penderfyniadau a phroffilio awtomataidd.

Mae rhagor o wybodaeth am eich hawliau ar gael ar y wefan hon: www.ico.org.uk

Er mwyn arfer eich hawliau, cysylltwch â'r maes gwasanaeth y manylir arno ar frig y ffurflen hon.

Y Weithdrefn Gwyno

Os ydych yn anfodlon â'r modd y mae Cyngor Bwrdeistref Sirol Caerffili wedi ymdrin â'ch cais/gwybodaeth, mae gennych yr hawl i gwyno. Cysylltwch â'r Maes Gwasanaeth a fanylir ar frig y ddogfen hon gan amlinellu eich materion.

Os byddwch yn parhau'n anfodlon, mae gennych hefyd yr hawl i gwyno wrth Swyddfa'r Comisiynydd Gwybodaeth. Dilynwch y ddolen hon am ragor o wybodaeth am y broses gwyno.

www.caerffili.gov.uk/My-Council/Data-protection-and-freedom-of-information/Questions-and-complaints?lang=cy-gb

Crynodeb o'r Hysbysiad Preifatrwydd

Sut y byddwn yn defnyddio'ch gwybodaeth

Bydd Grŵp Iechyd yr Amgylchedd Cyngor Bwrdeistref Sirol Caerffili yn defnyddio'ch gwybodaeth er mwyn ymchwilio i ddamweiniau yn y gweithle y rhoddir gwybod amdanynt drwy system hysbysu Rheoliadau Adrodd ar Anafiadau, Clefydau neu Ddigwyddiadau Peryglus ('RIDDOR') yr Awdurdod Gweithredol Iechyd a Diogelwch er mwyn amddiffyn iechyd y cyhoedd.

Rhennir eich data â'r Awdurdod Gweithredol Iechyd a Diogelwch at ddibenion ymchwilio i ddamweiniau, penderfynu ar gydymffuriad â deddfwriaeth ac ar gyfer gwaith dadansoddi, gwyliadwriaeth a phennu tueddiadau.

Os bydd Grŵp Iechyd yr Amgylchedd yn cymryd camau ffurfiol drwy'r llysoedd mewn perthynas â damwain yn y gweithle, yna rhennir eich manylion â Gwasanaeth Llysoedd a Thribiwnlysoedd Ei Mawrhydi ('HMCS').

Bydd yr wybodaeth a gawn yn cael ei chadw am 6 blynedd yn unol â Pholisi Cadw Dogfennau Diogelwch y Cyhoedd CBS Caerffili.

Mae gennych nifer o hawliau mewn perthynas â'r wybodaeth, gan gynnwys yr hawl i gael mynediad i wybodaeth sydd gennym amdanoch chi a'r hawl i gwyno os ydych chi'n anhapus â'r ffordd y mae eich gwybodaeth yn cael ei phrosesu.

Am ragor o wybodaeth am eich hawliau a sut rydym yn prosesu'ch gwybodaeth, cliciwch ar y ddolen ganlynol:

[{Hyperddolen i'r Hysbysiad Preifatrwydd Llawn ar ein gwefan}](#)